



7. Tschanteda da la suprastanza cumünela in marculli, ils 10.4.2019 a las 19.00 in chesa cumünela S-chanf

Presidi: Gian Fadri Largiadèr

Preschaints: Paolo Bernasconi, Liun Quadri, Roman Parli, Mario Mammoliti

Suppleant: Linard Luzi

Absaints:

Actuar: Gian Luca Vitalini

Tractandas:

- | | | |
|-----|-------|---|
| 1. | | Protocol |
| 2. | 0.212 | Persunel |
| 3. | 0.110 | Ledscha cumünela da seguondas abitaziuns (preexaminaziun) |
| 4. | 8.300 | Surdeda da lavuors d'indschegner Pass Chaschauna |
| 5. | 0.700 | Surdeda da lavuors sanaziuns chesa da scoula e chesa cumünela |
| 6. | 7.000 | Surdeda da lavuors etappa 4 lingia d'ova Cinuos-chel – Punt'Ota |
| 7. | 7.200 | Surdeda da lavuors Moloc Susauna |
| 8. | 6.200 | Surdeda da lavuors preproget access Chapella ost |
| 9. | 7.000 | Deliberaziun da la documainta da submissiun pel provedimaint d'ova Bügls – Murtiröl |
| 10. | 7.100 | Taxas d'attach sarinera Nandet |
| 11. | 8.001 | Surdeda da lavuors proget alps e pasculs |
| 12. | 8.300 | Iniziativa pista per schlisuler Alp Giratschouls |
| 13. | 9.999 | Varia |

La glista da tractandas vain approveda sainza objecziuns.

Aunz la tschanteda da la suprastanza cumünela ho gieu lö üna tschanteda cumünaivla insembel culla cumischiun da gestiun regard l'iniziativa da las spaisas dals presidents i'ls ultims desch ans.

Protocol da decisiun

Protocol: Il protocol da la tschanteda dals 27 marz 2019 vain approvu unanimamaing.

54 0.212 Persunel

Plazza chanzlist/-a 100%

Il chanzlist actuel Gian Luca Vitalini ho comunicho, ch'el as vuless orienter nouv in sia vita professiunela. La plazza d'eira publichedà bundant duos mais (pressa, internet, chascha naira). Sùlla plazza publichedà s'haun annunzchos duos personas. Ils duos discuors haun gieu lö ils 04 avrigl 2019.

La suprastanza cumünela piglia cugnuschentscha dals duos candidats. Per sclerir divers puncts da lavur vegn fat aunch'üna vouta ün discuors cun üna da las personas.

Plazza da praticum resgia/forestel

Id es planiso da s-chaffir üna plazza da praticum illa resgia/forestel per il temp dals 01. setember 2019 fin ils 31 avuost 2020.

La suprastanza cumünela piglia cugnuschentscha cun l'agir. Il president e'l chanzlist faun auncha ün discuors cul silvicultur per discuter l'agir da la publicaziun da la plazza.

55 0.110 Legislativa Ledscha cumünela da seguondas abitaziuns (preexaminaziun)

La ledscha cumünela chi'd es gnida tramissa a l'uffizi da planisaziun dal territori a Cuira per la preexaminaziun es gnida refüsedà culla motivaziun, cha la part dals stabels da grand'importanza per l'aspet dal lö nun es avounda sufficiainta. Il planiseder cumünel e'l giurist cumünel faun la proposta, cha l'art. 8 suot il punct III "nouvas chesas in stabels da grand'importanza per l'aspet dal lö" dess gnir stricho. La ledscha dess zieva gnir tramissa aunch'üna vouta a l'uffizi da planisaziun dal territori per la preexaminaziun.

La suprastanza cumünela decida unanimamaing da stricher l'inter punct 3 e da tametter aunch'üna vouta la ledscha a l'uffizi per la preexaminaziun.

56 8.300 Turissem e cura Surdada da lavuors d'indschegner Pass Chaschauna

Il büro d'indschegner Ecoalpin ho conclus sia incumbenza cun avoir fat la dumanda da fabrica cun permis da fabrica. Uossa as tratta que da surder las lavuors pel proget executiv, direcziun da lavuors e l'acumpagniamaint ecologic. Las lavuors sun previsas in redschia cun üna düreda prevista da 26 eivnas. Scha las lavuors vessan üna düreda pü lungia scu previs, füss da prevair ün augmaint dals cuosts. La dita Ecoalpin ho experienza in quist gener da lavuors e ho la fiduzcha da las istanzas chantunelas. L'offerta da la firma Ecoalpin s'amunta sur fr. 54'000.00.

La suprastanza cumünela decida unanimamaing da surder la lavur a la firma Eco Alpin per fr. 54'000.00 culla remarcha, cha'ls fr. 54'000.00 fuorman ün tet da cuosts.

57 0.700 Stabels d'administraziun Surdada da lavuors sanaziuns da la chesa da scoula e la chesa cumünela

Causa cha la fatscheda da la chesa da scoula es in ün stedi fich nosch, s'ho decis da saner las sfessas illa fatscheda da la chesa da scoula. Ils dans actuels vegnan cul temp adüna pü grands e per pudair eviter auncha dans pü grands ho il depüto Mario Mammoliti lascher piglier aint offertas al architect Marco Glisenti. Ils cuosts per la sanaziun da la fatscheda da

la chesa da scoula s'amuntan sün fr. 66'000.00 impü sun gnieu piglio aint il preventiv fr. 2'000.00 per cuosts na previs.

La suprastanza cumünela decida unanimamaing da surder las lavuors a la firma Angelini SA per fr. 37'000.00 inclus isp. e al pitur Cristian Cordett per fr. 18'000.00 inclus isp..

58 7.000 Provedimaint d'ova

Surdeda da lavuors etappa 4 lingia d'ova Cinuos-chel – Punt'ota

Quist an vain auncha glivreda la seguonda etappa da la ranovaziun da la lingia d'ova Cinuos-chel – Punt' Ota. Il traget es davent da la via chantunela fin giò tal condot aint la via nouva in vicinanza da la chesa Tester. Per pudair gliverer las lavuors stu gnir delibero il credit bsögnaivel da totel fr. 168'000.00 inclus isp.

La suprastanza cumünela decida cun quatter cunter üna vusch da surder las lavuors a seguaintas firmas: Costa Bau AG da Puntraschigna per fr. 74'433.70 inclus isp., Pinggera SA da S-chanf per fr. 54'225.45 inclus isp., e las lavuors d'indschegner al büro Caprez per fr 17'800.00 inclus isp. ed impü las lavuors d'imsüraziun a la firma Geo Alpin chi suotasto al la firma Caprez cun fr. 4'300.00 inclus isp.

Liun Quadri s'ho absanto per la discussiun e la decisiun.

59 7.200 Alluntanamaint da las immundizchas

Surdeda da lavuors Moloc Susauna

In connex cullas lavuors d'infrastructura in Susauna vegn auncha fabriccho ün Moloc d'immundizchas. La suprastanza cumünela ho decis in sia tschanteda dals 13 marz 2019 d'aderir la dumanda da fabrica. Tenor il preventiv dal büro d'indschegner Quadri s'amuntan ils cuosts totels sün fr. 52'886.82 inculs isp. La suprastanza cumünela giavüscha dal depüto sclerimaints regard lottezza dals cuosts e las offertas detailladas, chi nus sun avaunt maun. Zieva ils sclerimaints dal depüto suottametta el a la suprastanza ün seguond preventiv dal büro d'indschegner Quadri. Ils cuosts s'amuntan be pü sün totels fr. 41'286.82 inculs isp..

Tenor decisiun circolera decida la suprastanza cumünela da surder las lavuors per il nouv Moloc a Susauna tenor il nouv preventiv per fr. totel 41'286.82 inclus isp. a las duos firmas Angelini SA fr. 24'886.82, firma Walo fr. 10'200.00 e las lavuors d'indschegner e mainafabrica a la firma Quadri fr. 3'400.00.

Liun Quadri s'ho absanto per la discussiun e la decisiun.

60 6.200 Vias e plazzas cumünelas

Surdeda da lavuors preproget access Chapella ost

Zieva chal Chantun ho glivro l'access da la via a Chapella in direcziun vers S-chanf, po gnir realiso la sanaziun da l'access da la via a Chapella in direcziun vers Cinuos-chel. Las lavuors sun inclusas i'l plan d'investiziun 2019. Sclarimaints haun musso, cha per quista sanaziun sun pussiblas sgür trais variantas da realisaziun. Per cha nun vegnan elavuredas trais varaintas fich cheras dal proget e perque chi's po fer sclarimaints preleminers cul ucb regard l'access da la via, dess gnir elavuro ün preproget cun variantas da soluziuns. Zieva es da publicher la megltra varianta per la progetaziun e la realisaziun.

La suprastanza cumünela decida unanimamaing da lascher offrir a l'indschegner Liun Quadri per ün preproget cun trais variantas.

Liun Quadri s'ho absanto per la discussiun e la decisiun.

**61 7.000 Provedimaint d'ova
Deliberaziun da la documainta da submitsiun pel provedimaint
d'ova Bügls – Murtiröl**

Per las lavuors da proget dal provedimaint d'ova (Bügls – Murtiröl) ho elavuro l'indschegner M. Gini la documainta da submitsiun inclus ün plan detaglo da termin. Las lavuors chi vegnan publichedas dessan gnir surdedas tenor procedura d'invid.

La suprastanza cumünela ho piglio cugnuschentscha da la documainta da submitsiun ed invida quatter büros d'indschegner tenor proceder d'invid.

Liun Quadri s'ho absanto per la discussiun e la decisiun.

**62 7.100 Chanalizaziun/sarinera
Taxas d'attach sarinera Nandet**

Zieva cha'l güdisch administrativ ho cun sia sentenzcha definitivmaing sancziuno la dumanda d'attach vi da la rait publica haun pudieu gnir effettuo las lavuors d'attach da la chanalizaziun da la fracziun Nandet tenor pretaisas chantunelas vi da las lingias da s-charg. Cun que es uossa l'ultima fracziun attacheda vi da la sarinera. La vschinauncha da S-chanf ho cun que accumulieu lur dovair vers las instanzas chantunelas, eir scha que ho düro dapü da 14 ans. Scu tuot las otras fracziuns Cinuos-chel, Chapella e Susauna s'ho d'incharger tenor decisiun dal 2005 la taxa d'attach da la sarinera in otezza d'1% da la valor nouva dals abitaculs chi sun gnies attachos vi da la rait da chanalizaziun.

La suprastanza cumünela decida unanimamaing da cuntinuer culla procedura e da metter in quint las taxas correspudentamaing.

**63 8.001 Alps e pasculs
Surdada da lavuors proget alps e pasculs**

La vschinauncha da S-chanf es possessura da pasculs ed och alps. L'utilisaziun dals paculs e las alps es fin sün üna excepziun transferieu a la societad d'alps e pasculs locela. La collavuraziun traunter la vschinauncha e la societad sun regledas i'l uorden da la vschinauncha politica e i'ls statüts da la societad. Our da l'avis da la vschinauncha nu tuorna la collavuraziun traunter la vschinauncha e la societad daspö divers ans pü, our da quel motiv vules la vschinauncha lascher fer ün'analisa independenta da la gestiun da las alps. La firma spezialiseda Büro Alpe cun egnas experiencias e savoir ho elavuro un'offerta cun ün agir defino. Il proceder prevezza, da fer ün'analisa extaisa da la gestiun da las alps da S-chanf. Tar que vegnan analisedas las datas e la documainta existenta da las alps. Impü es previs da fer püs workshops culs purs e cun la populaziun da S-chanf. Previs sun eir discuors culs rapreschantants dals uffizis ALG e ALT. Las analisas e'ls resultats vegnan preschantos l'utuon 2019. La persuna da contact e'l respunsabel per quist proget es sar Cornel Werder (dipl. ing. agr. ETH). L'offerta s'amunta sün fr. 18'546.00 inculs isp.

La suprastanza cumünela decida unanimamaing da deliberer il credit sur fr. 18'546.00 e da surder la lavur a la firma Büro Alpe per fr. 18'546.00 inculs isp.

**64 8.300 Turissem e cura
Iniziativa pista per schlisuler Alp Giratschouls**

In l'ultima tschantada da la suprastanza cumünela es gnida spusteda quista tractanda sün quista tschantada, causa divers puncts na auncha scolarieus. L'iniziativa pretenda: La via da Griatschouls dess gnir prepareda scu pista eir in avegnir per ir culla schlitta ed ir a spass

düraunt l'inviern. Eir dess gnir pussibilto da trer sù las schlittas cul «Quad» (töf da 4 roudas) fin tal'alp. Impü dess eir rester la pussibilitad da gestir üna pitschna ustaria sün alp scu fin cò. La vschinauncha da S-chanf dess pajer vi da quista spüerta 6'000.—frs. l'an. La suprastanza constatta, cha l'iniziativa nun es propi ün'iniziativa d'imperse be üna dumanda. La disposiziun per der resposta als iniziants vain discus.

La suprastanza cumünela decida unanimamaing da trametter la disposiziun als prüms tschintsch suotsegnos e da publicher illa chascha naira e da suottametter quista tractanda ad üna prosma radunanza cumünela. Impü decida la suprastanza cumünela cun quatter cunter üna vusch da na sustgnair la proposta dals iniziants.

65 9.999 Varia

La suprastanza cumünela piglia cugnuschentscha:

Charta dal departamaint da güstia regard la revisiun da la ledscha chantunela dal dret da gös cun raps.

Charta dal departamaint d'economia publica e sociela dal Grischun regard la revisiun dal KRG chi'd es entro in vigur ils 01. avrigl 2019.

Charta da la regenza regard il fabricat da s-chelas per peschs tar l'inchasch d'ova Clemgia e l'inchasch d'ova Vallember, dumanda da prolungiaziun.

Charta da l'associaziun da la vschinaunchas svizras regard «Schi pel nouv model d'impostas per l'AVS».

Documainta da la Swissgrid regard il proget da la lingia Pradella – La Punt.

Charta d'infurmaziun da la Viafier retica regard lavuors da mantegnimaing düraunt la not dals 15 avrigl fin ils 04 meg 2019.

Protocol da la suprastanza da l'ARO dals 28 favrer 2019.

Liun Quadri es incumebnzo da fer üna proposta regard discuors Armasuisse – vschinauncha - Bos-chetta Plauna SA. Aviert sun aunch' adüna l'agir cun la parcella nr. 305 e la via d'access. El ho d'elavurer üna proposta scu chi's voul perseguiter quista chosa e scu cha l'Armasuiss as ho da participar vi dals cuosts da la lingia d'ova /reservuar Bügls-Murtiröl e la via d'access Bos-chetta Plauna.

Liun Quadri vain incumbenzo da preparar per la prosma tschanteda la tractanda regard il logo turistic da la vschinauncha da S-chanf.

A las 21.45 vain la tschanteda alveda.

In buna fè

Il president:

L'actuar:

G. Largiadèr

G.L. Vitalini